



## TOSHKENT DAVLAT YURIDIK UNIVERSITETI REKTORINING B U Y R U G ' I

---

2020-yil «22» 06

02-110 -son

### **Айрим таркибий бўлинмаларда иш юритишни электрон шаклида олиб бориш бўйича экспериментни ўтказиш тўғрисида**

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон фармони 2-бандининг саккизинчи хатбошиси ҳамда ушбу фармон билан тасдиқланган Тошкент давлат юридик университети (кейинги ўринларда университет деб юритилади) фаолиятини янада такомиллаштириш бўйича Йўл харитасининг 4-бандига мувофиқ

### **БУЮРАМАН:**

1. Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон фармони билан университетда электрон ҳужжат алмашинувига ўтиш ва ўқув жараёнини рақамлаштиришни назарда тутувчи ҳамда очик, шаффоф, субъективлик ва суиистеъмолчиликлардан холи бўлган таълим муҳитини яратишга қаратилган «Электрон университет» (E-University) лойиҳаси амалга оширилаётгани маълумот учун қабул қилинсин.

2. «Электрон университет» (E-University) лойиҳаси доирасида электрон ҳужжат алмашинувини таъминловчи ҳамда ТДЮУ фаолияти хусусиятларига мос келувчи дастурларни ишлаб чиқиш, тегишли таваккалларни олдиндан аниқлаш ва бартараф этиш мақсадида Ҳукукий ташаббуслар ва инновациялар маркази ҳамда Жинойт-процессуал ҳукуқи кафедраси ичида эксперимент тарзда 2020 йил 1 июлдан бошлаб 2020 йил 31 августгача Alphabet (Google)

компаниясининг очик дастурий таъминот имкониятларидан фойдаланган ҳолда электрон ҳужжат алмашинуви олиб борилсин.

3. Белгилансинки, эксперимент доирасида:

– Ҳуқуқий ташаббуслар ва инновациялар маркази директори, бўлим бошлиқлари ҳамда Жиноят-процессуал кафедраси мудирлари томонидан юборилган барча турдаги электрон хабарлар ходимлар ва профессор-ўқитувчилар учун расмий топшириқ мақомига эга;

– ходимлар ва профессор-ўқитувчилар томонидан бажарилган ва ижросини тасдиқловчи ҳужжатлар электрон ҳужжат алмашинуви тизимига юкланган топшириқлар Ички назорат ва мониторинг бўлими томонидан назоратдан ечилади;

– давлат сири ва хизмат доирасида фойдаланиш учун мақомидаги ҳужжатларга нисбатан электрон ҳужжат алмашинуви қўллаш қатъий тақиқланади;

– электрон ҳужжатлар алмашинуви қоидалари ва тартиби Ҳуқуқий ташаббуслар ва инновациялар маркази томонидан Ички назорат ва мониторинг бўлими билан келишилган ҳолда белгиланади.

4. Ички назорат ва мониторинг бўлими бошлиғи Д.Маҳкамов, Ҳуқуқий ташаббуслар ва инновациялар маркази директори С.Латипов ҳамда Жиноят-процессуал кафедраси мудирлари Д.Базарова томонидан эксперимент жараёни ва унинг натижаларини Ягона интегратор “UZINFOCOM” масъул мутахассислари билан доимий тарзда муҳокама қилинсин ва «Электрон университет» (E-University) лойиҳаси доирасида электрон ҳужжат алмашинувини таъминловчи ҳамда ТДЮУ фаолияти хусусиятларига мос келувчи дастурларни ишлаб чиқишда инобатга олинсин.

5. Ушбу буйруқ ижросини назорат қилиш илмий ишлар ва инновациялар бўйича проректор Н.Салаев ва ўқув ишлар бўйича проректор И.Рустамбеков зиммасига юклансин.

Ректор

Р.Ҳакимов